

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

9. Mirabilis potentia Christi, in hominibus persanandis, quos nulla vis alia sanitati restituere potuit.

urn:nbn:de:hbz:466:1-45653

sacra loca peregrinantur. Non enim quotidiana tantum exempla ostendunt, plurimos inibi salutem aut corporis, aut animæ reperire, quam alibi nusquam reperissent; sed etiam hæc ipsa est fiducia in Deum, qui, sicut *virtutes non quælibet faciebat, per manum Pauli*, ita & per manum Petri, per manum Matris suæ, per manum Stephani, aliorumque & Apostolorum & Martyrum, & Confessorum, & Virginum facere consuevit. Neque hac re honor illius minuitur, sed augetur. Nam quidquid per Sanctos petitur, ab illo petitur; & quidquid à Sanctis patratur, ab illo patratur. Quippe quod quis per alium facit, per se ipsum facere censetur. Et honor seruis exhibitus, est honor dominorum.

IX.

Ioan.5.2.

Plin. lib.25.
c. 3.
S. Ambros.
lib. de ijs,
qui mysteri-
is initian-
tur. c.4.

Si omnia reliqua, desperatissimis in morbis, à Christo allata remedia velim percensere, excrescit vel hoc libri caput, in volumen. Cæcum quis vñquam Machaon illuminauit? Illuminauit Christus, illuminauerunt Sancti. Dæmonem, quis, virtute naturali, ex hominibus expulit? Expulit Christus, expulerunt Christi virtute Sancti. Omitte alios quām plurimos incurabiles morbos ab ipso curatos. Erat Ierosolymis Probatice piscina, quæ cognominatur Hebraicè Bethsaïda, (hoc est, domus misericordia) quinq; porticus habens, vbi ægroti (exclusis muro pecoribus & iumentis, ne accedere, & turbare aut profanare aquam possent) aquæ motum expectantes considerent. Igitur in his iacebat multitudo magnanguentium, cæcorum, claudorum, aridorum, expectantium, non Hippocratem aut Chironem aliquem, non Panaces, quod ipso nomine omnium morborum remedia promittit: numerosum, & diuersinventoribus ad scriptum; vt Plinius refert; sed diuinitus factum aquamotū. Etenim, D. Ambrosio teste, ut esset indicium, quia descendat Angelus, aqua mouebatur; & instrumenti proprium est, vt nihil quidquam agat nisi à principe caussa motum. Angelus enim Domini, vtique bonus (cum non soleat Deus ad procurandam hominum salutem malos Angelos mittere) siue Raphaël, cuius nomen medicum sonat, siue aliis Angelus, cuius officium fuit, sanare, descendebat secundum tempus, siue Paschæ, siue Pentecostes, siue præcipuorum, apud Iudæos, festorum, siue, ut probabilius est, secundum tempus hominibus incertum, alioqui non toto anno iabi expectaturis, certum autem Deo. Descendebat autem secundum tempus hoc in piscinam, & mouebatur aqua. Et qui prior descendisset in piscinam, post motionem aquæ, sanus siebat ut quacunq; detinebatur infirmi-

firmitate. Sanabatur autem tantum unus, ut appareret, non esse illam vim sanandi naturalem, sed diuinitus, ad momentum temporis aquis impressam. Si enim natura aquæ id fecisset, semper fecisset. Siquidem ea, quæ natura fiunt, semper fiunt; ut ignis semper vrit; & acidulæ semper sunt acidulæ; thermæque semper fouent & calefaciunt. Accedit, aquæ vim illam datam, ut quamcunque etiam desperatissimam inualetudinem restauraret. Sic ibi, diuino dono, inueniebatur, quod nusquam alibi, vel in Atticis fontibus Calliroë, vel in Boëotia Hippocréne, vel ipsa Acidalia scaturigo, in qua Gratiæ lauabantur, aliætæ salubres vndæ dede-
runt. Erat autem quidam homo ibi triginta & octo annos habens in-
firmitate sua. Hunc cum vidisset Iesus iacentem, & cognouisset, quia iam multum tempus haberet, dicit ei: Vis sanus fieri? Respondit ei languidus: Domine, HOMINEM NON HABEO, ut cum tur-
bata fuerit aqua, mittat me in piscinam: dum venio enim ego, alius an-
te me descendit. Ipse se iuuare non poterat, & HOMINEM NON
HABEBAT. Ecce ut omni auxilio humano destitutus, diuinum
sensit. Nam homo quidem, sed homœ Deus ei succurrit. Dixit
enim ei IESVS: Surge, tolle grabatum tuum, & ambula. Et statim
sanus factus est homo ille: & sustulit grabatum suum, & ambulabat.
Multæ hromiūm millia in vijs, in desertis, in mapalibus, in pagis
medico carent, & tamen non carent morbo, vt dicere iure possint:
Hominem non habeo; sed Deum habent, quo solo auxiliante pos-
sunt corporis vires recuperare. Et verò sèpissime, sine ullo medi-
co recuperant: quod tamen, cum toties contingat, pauci miran-
tur; multi etiam penitus non animaduertunt. Ah multi neque
animæ habent medicum, quia Parocho destruuntur; vtinam sci-
rent, se Deum habere, & quando copia non est peccata confiten-
di, saltem contritione, & Deo super omnia amato, noscent culpas
diluere! Noscent autem, si sciant, humano auxilio deficiente, nō
deficere diuinum, cui nulla mali diuturnitas potest obsistere; mul-
ta vehementia aut difficultas obicem ponere. Lazarum quatri-
duanum ex ipso sepulchro euocat; hæmorrhiosam, per duode-
cim annos, ægrotam sanat; & alteram mulierem, quæ spiritum in-
firmitatis annos duodeuiginti habuit, morbo liberat; hunc deni-
que, triginta octo annos, in porticu & paralysi iacentem, post
tot hyemes, erigit. Sed erigit, tanto tempore, patientissima spe,
perseuerantem; & erigit extemplò; nam dictum factum, quippe

N 3

statim

Ioan. 11.39.
Luc. 8.43.

statim sanus factus est homo ille. Enim uero adeo sanus factus est, ut illico sustulerit ipse grabatum suum, nouus Atlas factus. Ex quibus omnibus enumeratis exemplis clarum fit, quam diuersa sint diuina iudicia ab humanis; cum toties Deus iudicet manum porrigendam ijs, quos homines esse deserendos iudicauerunt; quorum vtrumque docet, nec nimiam in hominibus fiduciam collocandam, nec vnuquam Deo diffidendum. Hoc est, quod veteri proverbio dicitur: Deus de machina: stat enim ille pro nobis invocatus, cum nos etiam in extrema tegula stamus.

C A P V T X I I I .

*Deum, tum in omni, tum etiam in pecuniaria necessitate
eagentibus mirabiliter subuenire.*

I.

2. Cor. 5. 18.
Ephes. 3. 20.

Ierem. 2. 13.

II.

Drofanorum hominum iudicio; Nummus est humana potentiae compendium; rectius dicerent: Deus est humane potentiae compendium. Siquidem omnia ex Deo, qui potens est omnia facere superabundanter, quam petimus, aut intelligimus, secundum virtutem, que operatur in nobis. Ille fons est omnis boni; ille Oceanus misericordiarum; ille asylum; ille scutum; ille portus; ille spes prima & ultima miserorum. Ut proinde stolidè erret, qui, fonte deserto, cisternas sibi fodit, quæ continent non valent aquas; aut fluum, immo riuum, existimat Oceano pleniorem; vel qui, cum vidit, se ab omnibus deserit, etiam à Deo desertum arbitratur; quasi exhausta sit illius potentia & bonitas, aut fons misericordiæ exsiccatus. Non nudit Deum, quisquis, in rebus ambiguis, non consulit Deum. Non credit Mundi gubernatorem Mundo esse superiorem, qui cunque se abstrahi sinit, per ullam rem Mundi. O quam vilis spes est, quæ nititur Mundi potentia! quam fugax Principum custodia! quam fallax fiducia creaturæ! Fascinatio, error, cæcitas, insania est, querere ubique vel solatia, vel auxilia, & ignorare, aut obliuisci eum, in quo sunt omnia, immo etiam à quo sunt omnia, qui & est omnia in omnibus.

De Protheo, versipelle falsoque Deo, quem alij Vertumnus appellauerunt, Propertius ita cecinit:

Oppor-